

Bosna i Hercegovina
BRČKO DISTRIKT
Bosne i Hercegovine
VLADA BRČKO DISTRIKTA
Odjeljenje/Odjel za javni registar



Босна и Херцеговина
БРЧКО ДИСТРИКТ
Босне и Херцеговине
ВЛАДА БРЧКО ДИСТРИКТА
Одјељење за јавни регистар

www.bdccentral.net
javniregistar@bdccentral.net

Bulevar Mira 1. 76100 Brčko distrikt BiH, Telefon: 049/240-809. Faks: 049/240-605.
Bulevar Mira 1. 76100 Брчко дистрикт БиХ, Телефон: 049/240-809. Факс: 049/240-605.

Broj predmeta: 05-001018/23
Broj akta: 10-1418TO-005/24
Datum, 31. 1. 2024.. godine
Mjesto, Brčko

PLAN ZA BORBU PROTIV KORUPCIJE
ODJELJENJA ZA JAVNI REGISTAR
2023.-2024. GODINA

Brčko, januar 2024. godine

SADRŽAJ:

- 1. UVOD**
- 2. POJMOVI**
- 3. ZAKONODAVNI OKVIR U BORBI PROTIV KORUPCIJE BRČKO
DISTRIKTA BiH**
- 4. STRATEŠKI OKVIR U BORBI PROTIV KORUPCIJE BRČKO
DISTRIKTA BiH**
- 5. MEĐUNARODNI DOKUMENTI U OBLASTI BORBE PROTIV
KORUPCIJE**
- 6. PLAN ZA BORBU PROTIV KORUPCIJE 2023.-2024.**
- 7. TABELARNI PREGLED AKTIVNOSTI PROVOĐENJA PLANA ZA
BORBU PROTIV KORUPCIJE**

Na osnovu Jedinstvenih smjernica za izradu planova za borbu protiv korupcije u organima javne uprave i institucijama Brčko distrikta BiH, Odjeljenje za javni registar d o n o s i:

PLAN ZA BORBU PROTIV KORUPCIJE

ODJELJENJA ZA JAVNI REGISTAR

2023. – 2024. GODINA

OSNIVANJE ODJELJENJA ZA JAVNI REGISTAR


Članom 7. Zakona o javnoj upravi Brčko distrikta BiH („Službeni glasnik Brčko distrikta BiH“, brojevi: 25/20 – prečišćeni tekst i 17/23) osnovani su organi javne uprave, kao i Odjeljenje za javni registar.

NADLEŽNOSTI ODJELJENJA

- a) izdavanje ličnih dokumenata;
- b) održavanje i unapređivanje javnih registara i arhiva;
- c) održavanje katastra zemljišta i javnih registara;
- d) izdavanje izvoda iz registara;
- e) vođenje matične evidencije;
- f) prijave i odjave prebivališta i boravišta građana;
- g) registraciju motornih vozila;
- h) obavljanje kancelarijskog poslovanja i ovjere potpisa, izjava, dokumenata i ugovora;
- i) i druge poslove iz nadležnosti Odjeljenja određene zakonom i drugim propisima.

ORGANIZACIONA STRUKTURA ODJELJENJA

ODJELJENJE ZA JAVNI REGISTAR



DEFINICIJA KORUPCIJE

Članom 2. Zakona o Kancelarije za prevenciju korupcije i koordinaciju aktivnosti na suzbijanju korupcije ("Službeni glasnik Brčko distrikta BiH, broj: 25/18)

ZAKONODAVNI OKVIR U BORBI PROTIV KORUPCIJE U BRČKO DISTRIKTU BIH

"Korupcija je svaka zloupotreba moći povjerene javnom službeniku ili licu na političkom položaju, državnom, entitetskom, kantonalnom nivou, nivou Brčko distrikta Bosne i Hercegovine, gradskom ili opštinskom nivou koja može dovesti do privatne koristi. Korupcija posebno može uključivati direktno ili indirektno zahtijevanje, nuđenje, davanje ili prihvatanje mita ili neke druge nedopuštene prednosti ili njezinu mogućnost, kojima se narušava odgovarajuće obavljanje bilo kakve dužnosti ili ponašanja očekivano od primaoca mita"

Zakoni koji direktno ili indirektno regulišu područje borbe protiv korupcije u Brčko distriktu BiH su:

- **Zakon o Kancelariji za prevenciju korupcije i koordinaciju aktivnosti na suzbijanju korupcije** („Službeni glasnik Brčko distrikta BiH”, broj: 25/18);
- **Zakon o zaštiti osoba koja prijavljuju korupciju** („Službeni glasnik Brčko distrikta BiH”, broj: 25/18);
- **Zakon o Agenciji za prevenciju korupcije i koordinaciju borbe protiv korupcije** („Službeni glasnik BiH”, brojevi: 103/09 i 58/13);
- **Zakon o sprječavanju sukoba interesa u institucijama Brčko distrikta Bosne i Hercegovine** („Službeni glasnik Brčko distrikta BiH”, broj: 04/21);
- **Zakon o službenicima i namještenicima u pravosuđu Brčko distrikta Bosne i Hercegovine** („Službeni glasnik BiH”, broj: 13/23 – pročišćen tekst);

- **Zakon o slobodi pristupa informacijama u Bosni i Hercegovini** („Službeni glasnik BiH”, brojevi: 28/00, 45/06, 102/09, 62/11 i 100/13);
- **Zakon o financiranju političkih stranaka iz proračuna Brčko distrikta Bosne i Hercegovine** („Službeni glasnik Brčko distrikta BiH”, brojevi: 29/04, 14/07 i 19/07);
- **Izborni zakon Brčko distrikta Bosne i Hercegovine** („Službeni glasnik Brčko distrikta BiH”, brojevi: 17/08, 43/08 i 49/18);
- **Zakon o javnim nabavama** („Službeni glasnik BiH”, brojevi: 39/14 i 59/22);
- **Zakon o sprječavanju pranja novca i financiranja terorističkih aktivnosti** („Službeni glasnik BiH”, brojevi: 47/14 i 46/16);
- **Zakon o Visokom sudskom i tužiteljskom vijeću Bosne i Hercegovine** („Službeni glasnik BiH”, brojevi: 25/04, 93/05, 48/07 i 15/08).

Krivičnim zakonom Brčko distrikta BiH (XXXI glava) su određena koruptivna krivična djela i krivična djela protiv službene i druge odgovorne dužnosti, a to su:

- Primanje dara i drugih oblika koristi;
- Davanje dara i drugih oblika koristi;
- Protivzakonito posredovanje;
- Zloupotreba položaja ili ovlašćenja;
- Pronevjera;
- Prevara u službi;
- Posluga;
- Nesavjestan rad u službi;
- Odavanje službene tajne;
- Krivotvorenje službene isprave;
- Protivzakonita naplata i isplata;
- Protivzakonito oslobođenje lica kome je oduzeta sloboda;
- Protivzakonito prisvajanje stvari pri pretresu ili izvršenju.

STRATEŠKI OKVIR U BORBI PROTIV KORUPCIJE BRČKO DISTRIKTA BiH

Pored Zakona o Kancelarije za prevenciju korupcije i koordinaciju aktivnosti na suzbijanju korupcije (u daljem tekstu: Zakona o kancelariji) i Zakona o zaštiti lica koja prijavljuju korupciju, borbu korupcije u Brčko distriktu BiH određuju postojeća i buduće Strategije za borbu protiv korupcije i Akcioni planovi za njihovo provođenje. Strateški dokumenti u borbi protiv korupcije u Brčko distriktu BiH su Strategija za borbu protiv korupcije u Brčko distriktu BiH 2022. – 2024. godina i Akcioni plan za provođenje Strategije za borbu protiv korupcije u Brčko distriktu BiH 2022. – 2024. godina. Plan za borbu protiv korupcije podrazumijeva mjere i aktivnosti usmjerene na realizaciju prvenstveno aktivnosti iz Strategije i Akcionog plana, a zatim mjere i aktivnosti usmjerene naprevenciju korupcije s ciljem sprječavanja korupcije u Kancelariji za prevenciju korupcije i koordinaciju aktivnosti na suzbijanju korupcije (u daljem tekstu: Kancelarija), prijavu svih slučajeva korupcije, kao i podizanje svijesti uposlenih u Kancelariji o rizicima korupcije.

Ciljevi Stretegije za borbu protiv korupcije u Brčko distriktu BiH 2022.-2024. godina

Kancelarija je u skladu sa članom 9. stavom (1) tačkom a) Zakona o Kancelariji izradilo Strategiju za borbu protiv korupcije u Brčko distriktu BiH 2022. – 2024. godina (u daljem tekstu: Strategija) i Akcioni plan za provođenje Strategije za borbu protiv korupcije u Brčko distriktu BiH 2022. – 2024. godina (u daljem tekstu: Akcioni plan), koje je Vlada Brčko distrikta BiH usvojila dana 5. 10. 2022. godine Odlukom o usvajanju Strategije za borbu protiv korupcije u Brčko distriktu BiH 2022. – 2024. godina, broj predmeta: 48-000615/22, broj akta: 01.11-0377MB-002/22 i Odlukom o usvajanju Akcionog plana za provođenje Strategije za borbu protiv korupcije u

Brčko distriktu BiH 2022. – 2024. godina, broj predmeta: 48-000615/22, broj akta: 01.11-0377MB-003/22.

Navedeni strateški dokumenti i odluke su objavljeni u Službenom glasniku Brčko distrikta BiH, broj: 43/22 od 1. 12. 2022. godine, kao i na službenoj stranici Kancelarije www.aktbd.ba.

Strategiju prati Akcioni plan koji sadrži ukupno 124 aktivnosti s jasno definisanim provodiocima i rokovima za realizaciju. U prvoj godini predviđeno je 25 aktivnosti, u drugoj godini 38 aktivnosti, u trećoj godini 5 aktivnosti, dok je u cijelom razdoblju primjene Akcionog plana predviđeno i 56 kontinuiranih aktivnosti.

Opći cilj Strategije je da se korupcija, kao prepreka ekonomskom, socijalnom i demokratskom razvoju Brčko distrikta BiH u najvećoj mogućoj mjeri otkloni, odnosno minimizira, te da se preventivnim djelovanjem ostvari značajan doprinos smanjenju nivoa korupcije u Brčko distriktu BiH.

Iz ovako formulisanog općeg cilja proizlaze sljedeći strateški ciljevi koji se u Brčko distriktu BiH trebaju postići provođenjem Strategije:

- a) Prevencija korupcije,
- b) Suzbijanje korupcije,
- c) Razvijanje svijesti o štetnosti korupcije i suradnji s civilnim društvom,
- d) Koordinacija, monitoring i evaluacija anti-koruptivnih aktivnosti.

MEĐUNARODNI DOKUMENTI U OBLASTI BORBE PROTIV KORUPCIJE

Neki od najznačajnijih međunarodnih dokumenata u području borbe protiv korupcije, koji su potpisani i ratificirani od strane BiH, su:

- Krivično-pravna konvencija o korupciji;
- Građansko pravna konvencija o korupciji;
- Konvencija Ujedinjenih nacija protiv transnacionalnog organiziranog kriminala (UNTOC) s tri pripadajuća protokola;
- Konvencija Ujedinjenih nacija protiv korupcije;
- Konvencija o pranju, traganju, privremenom oduzimanju i oduzimanju prihoda stečenog krivičnim djelom i o financiranju terorizma.

PLAN ZA BORBUN PROTIV KORUPCIJE ODJELJENJA ZA JAVNI REGISTAR 2023. – 2024. GODINA

Plan za borbu protiv korupcije Odjeljenja za javni registar 2023. – 2024. godina (u daljem tekstu: Plan Odjeljenja) je anti-koruptivni dokument preventivnog karaktera koji sadrži mjere i aktivnosti s ciljem prevencije korupcije.

Vremenski okvir Plana Odjeljenja

Plan Odjeljenje se odnosi na razdoblje 2023. – 2024. godina čime se osigurava direktna poveznica s vremenskim rokovima predviđenim za provođenje aktivnosti iz Akcionog plana.

Obaveze i odgovornosti organizacionih jedinica u smislu provođenja Plana Odjeljenja

S ciljem potpune realizacije aktivnosti bitno je uspostaviti mehanizme za provođenje aktivnosti i koordinaciju rada između organizacionih jedinica Odjeljenja.

Organizacione jedinice Odjeljenja imaju sljedeća zaduženja:

- Inicijator i koordinator provođenja aktivnosti (šef Odjeljenja),
- Implementator aktivnosti i izvještavanja (Pododjeljenje za matičnu evidenciju, Pododjeljenje za lične dokumente, Pododjeljenje za katastarske knjige, Pododjeljenje za pisarnicu i zajedničke poslove i Služba za arhiv),

- Monitoring provođenja (šef Odjeljenja i šefovi pododjeljenja/Službe).

Eventualni rizici u implementaciji Plana Odjeljenja

Rizici koji bi mogli uticati na uspješnu implementaciju Plana su:

- Nedovoljna angažovanost subjekata provođenja,
- Nedostatak finansijskih i drugih resursa,
- Nedostatak koordinacije.

Monitoring implementacije Plana Odjeljenja

Monitoring provođenja planova za borbu protiv korupcije podrazumijeva preduzimanje kontinuiranih aktivnosti na praćenju i evaluaciji stepena implementacije pojedinačnih mjera i aktivnosti. Svrha praćenja i evaluacije nije samo prikupljanje podataka o napretku ili neuspjesima u provođenju aktivnosti na planu suprostavljanja korupciji, nego i poduzimanje mjera kako bi se uklonili ili umanjili nedostaci te identifikovanih novi elementi koji bi se ugradili u postojeće ili nove strateške mjere s ciljem što učinkovitije prevencije korupcije.

Monitoring je baziran prije svega na procesu izvještavanja putem Obrasca za izvještavanje o implementaciji Plana Odjeljenja

Tabelarni pregled aktivnosti za sprovođenje Plana za borbu protiv korupcije (2023. – 2024.)

STANDARDIZOVANE AKTIVNOSTI DEFINISANE AKCIONIM PLANOM					
Broj aktivnosti	AKTIVNOST	ROK	IMPLEMENTATOR	POKAZATELJI USPJEŠNOSTI	POTREBNI RESURSI
1.1.4.3.	Usvajanje i javno objavljivanje planova javnih nabavki svih institucija s javnim ovlastenjima u Brčko distriktu BiH	Kontinuirano	Šef Odjeljenja	Povećanje transparentnosti u postupku javnih nabavki	Raspoloživi resursi u skladu sa funkcionalnim nadležnostima
1.1.5.3.	Podizanje svijesti i ostvaranje veće netolerancije u vezi s korupcijom kod zaposlenih u institucijama Brčko distrikta BiH	Kontinuirano	Kontakt tačke i njihove zamjene	Održavanje internih sastanaka, seminara, radionica i drugih podognih oblika	Potrebna dodatna sredstva
3.1.3.2.	Donijeti Uputstvo o postupanju i saradnji javnih službenika i dr.	Druga godina provođenja Strategije	Šef Odjeljenja	Usvojeno uputstvo	Raspoloživi resursi u skladu sa funkcionalnim nadležnostima

	subjekata, a u vezi sa prijavom koruptivnih radnji				
4.1.1.1.	Imenovati kontakt i zamjensku osobu za borbu protiv korupcije u Odjeljenju.	Prva godina sprovođenja Strategije	Šef Odjeljenja	Imenovane kontakt i zamjenska osoba	Raspoloživi resursi u skladu sa funkcionalnim nadležnostima
4.1.1.3.	Donijeti Pravilnik/Odluku o internom prijavljivanju korupcije i zaštiti lica koja prijavljuju korupciju u Odjeljenju	Prva godina sprovođenja Strategije	Šef Odjeljenja	Donesena Odluka	Raspoloživi resursi u skladu sa funkcionalnim nadležnostima
4.2.1.3.	Donijeti Plan integriteta Odjeljenja za javni registar	Prva godina sprovođenja Strategije	Šef Odjeljenja	Donesen Plan integriteta	Raspoloživi resursi u skladu sa funkcionalnim nadležnostima
4.3.1.1.	Periodična evaluacija ostvarenih aktivnosti iz Akcionog plana i davanje objašnjenja zbog čega nisu ispunjene pojedine aktivnosti	Najmanje jednom godišnje	Kontakt tačke i njihove zamjene	Povećanje broja ostvarenih aktivnosti iz Akcionog plana	Raspoloživi resursi u skladu sa funkcionalnim nadležnostima
4.3.2.2.	Provođenje obaveznog dodatnog razmatranja neizvršenih aktivnosti	Treća godina provođenja Strategije	Šef Odjeljenja	Veća produktivnost Akcionog plana	Raspoloživi resursi u skladu sa funkcionalnim nadležnostima

DOSTAVITI:

1. Kancelariji za prevenciju korupcije i koordinaciju aktivnosti na suzbijanju korupcije
2. Odjeljenju za javni registar
3. Evidenciji
4. Arhivi

